

Uunga siunnersuut: Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuutip atuutsilernissaanut tunngatillugu oqaaseqaat pillugu Inatsisartut aalajangiussinerat

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Saqqummiussinermi ilisimatitsissut

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Siullermeenera

Matumuuna Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuutip atuutsilernissaanut tunngatillugu oqaaseqaat pillugu Inatsisartut aalajangiussinissaanut siunnersuut saqqummiutissavara.

Kalaallit Nunaanni sulisilluni ajoqusersinnaanermut isumannaarineq pillugu inatsimmi teknikkikkut allannguuteqarnissamik siunnersuuteqartoqarsimammat siunnersuut saqqummiunneqarpoq. Siunertaq tassaavoq aaqqiissutaasup nunatsinni inuiaqatigiinni pitsaanerusemik akulerutsinnissaa, taamaalillunilu Kalaallit Nunaanni atuisunut kiffartuussinermik pitsanngorsaasoqarluni.

Sulisilluni ajoqusersinnaanermut isumannaarinerupo peqqinnissaqarfiup ajoqusersimasunut tunngatillugu, tassalu Kalaallit Nunaanni peqqissutsikkut sullitarineqarnissamut pisinnaatitaaffeqanngitsunut, assersuutigalugu Kalaallit Nunaanni najugaqartuunnginnertik pissutigalugu aningaasaqarnikkut pisussaaffigisaannik tigusaqassannginneranik allannguutit nassataqarput.

Sillimmasiisarnermik ingerlatseqatigiiffimmit il.il. akiliuteqarluni nakorsamit misissorneqarnermut katsorsarneqarnermullu atatillugu angalanerup najugaqarnerullu aaqqissuunneqarnissaanut angalanermik aaqqissuussisartut namminersortut Sulisilluni ajoqusernermut Aqutsisoqarfiup atorsinnaavai.

Siunnersuummi Kalaallit Nunaata isummerfigisassaani maalaaruteqarnermut piffissaliussaq Danmarkimisut sivisutigisumik, tassalu sap. akunnerinut sisamanut sivikillineqassasoq siunnersuutigineqarpoq. Kalaallit Nunaanni siamasinnerusemik najugaqartitertoqarnera sianiginarlugu sap. akunnerinik arfinilinnik piffissaliussap attanneqaannarnissaa Naalakkersuisut inassutigaat.

Sulisilluni ajoqusernertut Aqutsisoqarfimmi pisortap Namminersorlutik Oqartussat isumaqatiginninniaqatigereerneranni aalajangiinertut naammagittaalliornerit suliarineqartarneri pillugit maleruagassanik aalajangersaasinnaanertut inatsisitigut tunngavissamik atuutsitsisoqalissaaq.

Kiisalu Naalagaaffik, Namminersorlutik Oqartussat aamma kommunit namminneerlutik sillimmasiisimasut Sulisilluni Ajoqusernerit pillugit Sullissiviup suliassanik Naalagaaffimmi, Namminersorlutik Oqartussani imaluunniit kommunini sulisunut tunngassuteqartuni allaffissornikkut aqutsineranut akiliisassasut erseqqissarneqarpoq.

Taamatut oqaaseqarlunga siunnersuutip akuerineqarnissaa inassutigaaara .